

9 МАЙ — ХОТИРА ВА ҚАДРЛАШ КУНИ



Назира БОЙМУРОДОВА
сурат-лавҳаси.

Уларнинг юз-кўзларида нур, нигоҳларида донишмандлик бор. Бугунги кунимизнинг ҳар бир дақиқасига шукрона айтишади. Қадим қадриятларимиз, отадан ўғилга, онадан қизу келинларга ўтаётган гўзал ва бетакрор анъаналаримизнинг тирик тимсолларига айланиб улгурган фариштамонанд бу отахону онахонларни ҳар қанча эъзозласак, қадрласак кам.

ДОРИЛОМОН КУНЛАР ФАЙЗИ

Президентимиз Ислом Каримов ташаббуси билан, мана, 14 йилдирки, 9 май — Хотира ва қадрлаш кунини сифатида кенг нишонланмоқда. Бугунги кунда ушбу қутлуғ сана ҳамюртларимиз учун чинакам умумхалқ байрамига айланди. Ушбу муборак сананинг шукӯҳи юртимиздаги ҳар бир хонадонни нурга, ҳамюртларимиз қалбини меҳрга тўлдирмоқда. Ёшларимизда халқимизга хос оқибатлилик фазилати янада мукаммаллашмоқда.

Тошкент шаҳар Мирзо Улугбек туманидаги Гулистон маҳал-

ласида умргузаронлик қилаётган Наимахон ая ва Маҳмуд ота Қудузовлар ҳам ана шундай эъзозу эҳтиромга лойиқ десак муболага бўлмайди.

— Бугунги дориломон кунларга етиб келгунча не-не қийинчиликларни бошдан кечирмадик, — дейди Иккинчи жаҳон уруши қатнашчиси, меҳнат фахрийси Маҳмуд ота. — Жангоҳларда қанчалаб йигитларнинг умри увол кетмади, дейсиз. Мен ўзим 1942 йилда урушга кетиб, 1947 йилда қайтиб келганман. Икки марта оғир ярадор бўлдим. Беш йил уруш даҳшатлари ичида яшаган бўлсам, серқўйи

Ўзбекистонимиз, гўзал она шаҳрим Тошкент, бу ерда қолган ота-онам, қавму қариндошларим, ҳамюртларим, биродарларим бир зум ҳам кўз олдимдан кетмаган.

Урушдан кейинги йиллардаги очарчилик, қийинчилик даврини ҳам кўрдик. Наимахон аянгиз билан 65 йилдан бери бир-биримизга сўянч бўлиб яшаб келяпмиз. Фарзандларимизнинг ҳаммасини ўқитдик. Жамиятга фойдали инсонлар бўлиб етишишди. Кеча сарҳисоб қилдик — 52 нафар неvara-чеварали бўлибмиз. Юртимиз тинч, халқимиз фаровон яшаяпти. Фарзандларимизнинг камолини кўряпмиз. Уларнинг ўқиши, истеъдоди ва имкониятларини намоиши этиши учун юртимизда ҳамма шароитлар яратилган.

Қутлуғ 90 ёш билан юзлашиб турган Маҳмуд ота ва 85 баҳорни қаршилаётган Наимахон ая каби нуроний отахону онахонларимиз нафақат хонадонларимизнинг, балки элу юртимизнинг ҳам файзу тароватидир.

Хамроҳон МУСУРМОНОВА,
“Оила ва жамият” муҳбири.

ҲИКМАТ

Кексаларни
этсанг азизу
хурмат, сени
ҳам кексай-
гач, этишар
иззат
Фариқилдин
АТТОР

Унутманг,
севимли
газетангизга
обуна
давом
этмоқда!



КЎНГИЛ ОБОДЛИГИ — ЮРТ ОБОДЛИГИ



Жараён

Бу дунёдан ўтган инсонларнинг муқаддас руҳини шод этиш, ҳаёт бўлганларнинг эса қадрига етиш, эъзозлаш энг хайрли амаллар саналади. Шу боис ҳам 9 май — Хотира ва қадрлаш кунининг мазмун-моҳияти йил сайин ошиш баробарида ўзига хос миллий анъанага айланиб бормоқда.

Аёл зотини авайлаш, асраш, унинг ҳаётбахшлигини таъмин этиш давлат сиёсати даражасига кўтарилгани учун ҳам бу эзгу одат кундалик ҳаёт тарзимида айланиб бормоқда. Хотин-қизларимиз бугун энг аввало ўз оиласида, қолаверса, жамиятимизда етакчи кучга айланаётган бир пайтда уларга ҳар қанча эҳтиром ва эътибор кўрсатилса арзийди.

Ўзбекистон Хотин-қизлар кўмитаси ташаббуси билан Хотира ва қадрлаш кунини муносабат билан "Инсонни ардоқлаш — азиз қадрият" мавзусида ўтказилган маърифий тадбирга адабиёт, фан ва бошқа жабҳаларда узоқ йиллар фаолият юритган бир гуруҳ аёллар таклиф этилди. Бир пиёла чой устида нишонланган ушбу байрам кечасида аёлларга ҳомийларнинг эсдалик совғалари



ҳамда кўмитанинг ташаккурномалари тақдим этилди.

Шунингдек, тадбир доирасида ободонлаштириш соҳасида хизмат қилаётган 24 нафар хизматчи аёллар ҳамда эҳтиёжманд оила вакилларига санаторийларда дам олиш ва даволашнишлари учун имтиёзли йўлланмалар топширилди.

— Республика Хотин-қизлар кўмитаси томонидан ўтказиб келинаётган бундай хайрли тадбирлар бизларни янада фаолроқ бўлишга ундайди, — дейди Сергели туманидаги Маданият маҳалласи маслаҳатчиси Мунира Сулаймонова. — Мустақиллик, Наврўз байрамлари арафасида ҳомийлар ёрдамига таяниб, боқувчисини йўқотган оилалар, имконияти чеклан-

ган болалар, ёлғиз қолган кексаларнинг ҳолидан хабар олиб, уларга моддий ёрдамлар кўрсатишни йўлга қўйдик. Худудимиздаги 7-ўй, 25-хонадонда яшовчи ёлғиз она Холида Бобоева, 6-ўй, 4-хонадонда истиқомат қилувчи, умр йўлдоши автоҳалокат туфайли оламдан ўтган Бахтигул Каримовага ҳомийлик ёрдамлари кўрсатилади. 17-ўй, 117-хонадонда яшовчи 11 ёшли ногирон Жамшидбек Абдувахобов ота-онасидан айрилиб, амакисининг қарамогига яшайпти. Наврўз байрами арафасида унга компьютер совға қилдик. Бу саъй-ҳаракатлар

давлатимиз ҳамда элдошларимиз томонидан кўрсатилаётган хайр-саховат намуналаридир.

Мазкур тадбирда қатнашган Чилонзор тумани Чархқомолон маҳалласида яшовчи Мунира ая Насруллаева тўлқинланиб шундай дейди:

— Бир неча йиллар касб-хунар коллежиди химия-биология фанидан дарс бериб келдим. Бугунги кунда пенсиядаман. Тўрт нафар фарзандим, 14 нафар неварам бор. Ўғил-қизларим оилали бўлишса ҳам ҳозиргача мендан маслаҳат сўраб туришади. Бир-бирини қадрлаш, ҳолидан хабар олишдек улуг фазилатларни фарзандларимиз онгига кўпроқ сингдириш биз катталарнинг шарафли вазифамиз.

— Меҳнат қилган инсон



қадр топаётган ажойиб замонда яшаймиз, — дейди Юнусобод тумани, Астрообод маҳалласида яшовчи Махмуда Абдурахмонова. — Узоқ йиллар мактабда ўқитувчи бўлиб ишлаш билан бирга, маҳаллада хотин-қизлар кўмитаси раиси лавозимида ҳам хизмат қилиб келдим. Ҳозир ёшим 74 да. Уйда ўтиролмайман, маҳалла фаолиятиман. Шунча йиллик меҳнатларим қадрланиб, 2008 йилда Президентимиз Фармонига биноан "Дўстлик" ордени билан тақдирландим. Маҳалламизда 5 мингдан ортиқ аҳоли яшайди. Ҳар бир иш ҳамжиҳатликда амалга оширилади. Бу йил Наврўз байрами арафасида маҳалламиз худудиди болалар майдончаси очилди. Уни таъмирлаш ишлари кетаётганида ҳамма бирдай қўлдан келган ёрдамини аямади. Кексалар ёшларга бош-қош бўлиб, ҳашарлар уюштиришди.

Тадбирда Ўзбекистон Республикаси Бош вазирининг ўринбосари, Хотин-қизлар кўмитаси раиси Элмира Боситхонова иштирок этди.

НИГОРА РАҲМОМОНОВА,
"Оила ва жамият" муҳбири.
Суратлар муаллифи
Маишара НУРИНБОЕВ.

ОИЛАНИНГ БЕГОНАСИ БЎЛМАЙДИ

Инсон шаъни, қадр-қиммати... Бугун бу иборатлар мамлакатимиз микёсида бот-бот тилга олинаёттир. Ҳар бир жабҳада инсоннинг яшаш учун қўлай имкониятларга эга бўлиши, кундалик ҳаётимизда дуч келаётган маиший муаммолардан тортиб, иқтисодий-ижтимоий соҳаларда дуч келишимиз эҳтимоли бўлган жиҳатларга ҳам давлатимиз томонидан алоҳида эътибор қаратилмоқда.

...Нурободлик бу болақай олти ёшга ҳам тўлмаган. У ҳали отасининг имконияти чекланганлиги-ю, онасининг машаққатлар билан рўзгор тебратётганини тушуниб тушунмайди. Ҳаёли кўпроқ ўйинда. Лекин яқинда марказдан келган бир гуруҳ акаларнинг олиб келган китобларига меҳр қўйди. Китобчалардаги суратларни бўйди, шеър ёдлайди, мактабга борадиган қўшни опа-акалардан ҳисоб-китобни ҳам ўрганиб бораёттир.

Яқинда бу хонадонга бир гуруҳ зиёлилар, виллоят ва туман ҳокимлиги вакиллари келишди. Меҳмонлар орасида Ўзбекистон Республикаси Бош вазирининг ўринбосари, Хотин-қизлар кўмитаси раиси Элмира Боситхонова ҳам бор эди. Шу кун бу оилادا ўзгача муҳит ҳукмрон бўлди. Бир пасда шунча ўзгаришлар содир бўлганини кўрган болақай барибир кўп нарсасига тушунмади. Чунки...

Лекин бу болақайдан фарқи ўларок, нурободлик Обид Рўзиев яқинда ўзига ажратилган ногиронлик аравачаси ким томонидан берилганини, бу мурувват киининг меҳрибончиликлари эканлигини жуда яхши англади. Ҳа, бугун Нуробод туманидаги Нурбулоқ маҳалласида аҳолининг ижтимоий аҳолини яхшилаш, яшаш учун ҳар томонлама қўлай шароитларни йўзига келтириш, бир сўз билан айтганда, аҳолини ижтимоий-иқтисодий жиҳатдан ривожлантириш ва маънан соғлом муҳитни шакллантириш борасида талайгина ишлар амалга оширилмоқда.

«Обод турмуш йили» Давлат дастури ижроси юзасидан мазкур ҳудудда кенг қўламли бу вазифаларни амалга ошириш юзасидан Вазирлар Маҳмама-

сининг, виллоят ҳокимининг чора-тадбирлари ишлаб чиқилди, унинг натижасида қатор ишлар бажарилди.

Хусусан, шу йилнинг ўзида "Ҳаётхон Омад" хусусий корхонаси томонидан тўртта тикув машинаси сотиб олинди, тўрт нафар хотин-қизлар учун янги иш ўрни яратилди. «Озодбек Нурбулоқ Назарбек» хусусий корхонасида мебель ишлаб чиқариш цехи ташкил этилди ва 5 киши иш билан таъминланди. М.Очилов томонидан хизмат кўрсатиш ва сервис шохбачаси ташкил этилганлиги туфайли 7 нафар киши ишли бўлди. "Баҳошонч Нурбулоқ" хусусий корхонаси томонидан хизмат кўрсатиш нуқтаси вужудга келди.

Маҳалланинг Кўйбоқар гузаридида ўзига хос, рамзий маънога эга бўлган «Оналар боғи» ташкил этилди. Ерга ишлов берилиб, бугунги кунга қадар 400 та терак ва 400 та мевали дарахт кўчатлари экилди. Оилаларнинг гўшт маҳсулотлари билан таъминланиши, паррандачиликни кенгайтириш мақсадида 12 нафар оиллага жами 240 бош парранда тарқатилди.

Маҳаллада яшовчи 360 та хонадоннинг 700 дон мевали дарахт кўчатлари, 3450 дон турли экинлар, 90 та хонадоннинг кўча томонига гул кўчатлари экиш ташкиллаштирилиб, ҳар бир томоркага камида 10 тадан мевали дарахт ўтказилди.

Март ойида Нуробод туман тиббиёт бirlашмаси мутахассислари томонидан маҳалла аҳолиси тиббий кўрикдан ўтказилди. Аниқланган касалликлар бўйича тегишли тавсиялар берилиди. Хонадонларга бириктирилган олти нафар тиббий патронаж ҳамширалар ишни яхшилаш ва уларнинг малакасини ошириш борасида тажрибали шифокорлар жалб қилинди.

Шунингдек, маҳаллада яшайдиган 84 нафар касб-хунар коллеж ўқувчилари рўйхати тузилиб, давомати пайсанга, таълим-тарбиясида салбий ўзгаришлар бўлаётган олти нафар ўқувчининг ота-онаси билан тушунтириш ишлари олиб борилди ва улар ҳозирги кунда дарсларга мунтазам қатнашмоқда.

Маҳаллада иш билан банд бўлмаган 10 нафар ёшлар рўйхати шакллантири-

либ, 8 нафари ҳудуддаги намунавий уй-жойлар қурилишига жалб этилди.

Аслида натижаси сарҳисоб қилинаётган бу ишлардан аввал қишлоқ ҳудудининг шароитлари, имкониятлари тўлиқ ўрганиб чиқилди. Ўзбекистон Хотин-қизлар кўмитаси раиси Э. Боситхонова, Самарқанд виллоят хотин-қизлар кўмитаси раиси Г.Рустамова ушбу маълумотлар билан бир қаторда шу маҳалладаги 25 та эҳтиёжманд оилаларнинг аҳолини ҳам ўрганиб чиқди.

— Эҳтиёжманд, нотинч оилалар билан ишлашга тизимли равишда ёндашиш лозим, — деди Э.Боситхонова Нуробод туманидаги Нурбулоқ маҳалласидаги учрашувлардан бирида. — Маҳалладаги ҳар бир муаммо, муваффақият фаолларнинг эътиборида бўлсагина оилалар тотувлиги таъминланиши мумкин. Ҳўш, нотинч оилалардаги муаммолар нималардан иборат? Улар нега нотинч оила сафига қўшилиб қолди, бунинг келиб чиқиш сабаблари қандай? Бу саволларга жавоб ўз вақтида ўрганилиб, бартараф этилса, маҳалладаги бугунги муҳит яхшиланибгина қолмай, эртанги юз бериши мумкин бўлган салбий ҳолатларнинг ҳам олди олинади. Айниқса, маҳалладаги диний маърифат ва маънавий-ахлоқий тарбия масалалари бўйича маслаҳатчилар зиммасидаги масъулиятни алоҳида таъкидлаб ўтиш лозим. Улар бу муаммоларнинг ҳаммасини ўзлари ҳал қила олмайдилар, албатта. Аммо шу муаммони ўрганиб, уни ҳал этишда мутасадди ташкилотларни ҳам жалб этиш — маслаҳатчининг муҳим вазифаси саналади.

Ҳа, оилалар билан ишлаш биргина ташкилотнинг вазифаси эмас. Сабаби, бу тушунча замирида аҳолининг иш билан таъминланишидан тортиб, соғлом турмуш тарзи, маънавий муҳит, фарзандларнинг баркамол воёга етиши каби долзарб вазифалар мавжуд. Бу ишларни амалга оширишда эса кенг жамоатчилик ўз ҳиссасини қўйиши лозим. Гарчи бугун Нурбулоқда бу масалада олиб борилиши лозим бўлган ишлар талайгина бўлса-да, аммо шу маҳалла мисолида олиб борилаётган ишлар ҳар бир туман, маҳалла учун ўқув, ўрганиш объекти сифатида қаралиши лозим.

Гулрўх МҲМИНОВА,
"Оила ва жамият" муҳбири.
Самарқанд виллояти.

САОДАТЛИ ЙИЛ ШУКУҲИ

Халқимиз орасида "Ободлик кўнгилдан бошланади", деган чуқур мазмун-моҳиятга эга бўлган ажойиб ибора бор. Бу ҳам бежиз эмас. Чунки бизнинг ота-боболаримиз азалдан ўзлари яшаган хонадон, кўча ва маҳалла-қўйни обод қилмоқчи ўзларининг шарафли вазифалари деб билишган.

Оддий мисол: ҳашар дея ном олган ва бошқа бирор бир миллат вакиллари хос бўлмаган миллий удумимизни олайлик. Бир замонлар, эслаймиз, қишлоқ, маҳалла микёсида ўтказиб келинган бу хайрли юмуш, бугунги кунда бутун мамлакат ҳудудини қамраб олганлигининг ўзи ҳам халқимизнинг ободончилиққа бўлган катта эътиборини яна бир қарра тасдиқлайди. Аслида бу умумхалқ ҳашарининг тағ замирида ободлик, турмуш фаровонлиги ётади, десак хато бўлмайди. Шу маънода жорий йилимизнинг Президентимиз томонидан "Обод турмуш йили" деб номланганлиги барчамизни қувонтирди ва бу борада қабул қилинган Давлат дастури ижросини таъминлашга алоҳида эътибор қаратилмоқда. Бу каби саъй-ҳаракатларни биринчи навбатда элдошларимиз ҳаёти, турмуши, кундалик рўзгорини обод қилишга қаратилган улкан эътибор, дейиш мумкин.

Айниқса, яқинда мамлакатимизда "Замонавий уй-жой-қурилиши" — қишлоқ жойларини комплекс ривожлантириш ва қиёфасини ўзгартриш ҳамда аҳоли ҳаётининг сифатини яхшилаш омилли" мавзусида ўтказилган нуфузли халқаро конференция қўпчилиқда катта таассурот қолдирди. Эътиборли жиҳати, уй-жой қурилиши соҳасида дунёдаги етакчи компаниялар вакиллари ва тажрибали мутахассислар Ўзбекистонда Президент Ислам Каримов раҳнамолигида қишлоқларни, аҳоли турмуш тарзи сифатини юқори даражага кўтариш йўлида олиб борилаётган кенг қўламли ислохотларга юқори баҳо берганлиги эътиборга лойиқдир. Шу маънода Обод турмуш йили ватанимиз тарихида улкан ютуқлар қўлга киритилган саодатли йил бўлиб қолади.

Раҳимжон САПАРОВ,
Каттақўрғон туман 2-сон
ДНИ нотариуси.

ЭНГ БАХТЛИ ЖУФТЛИК ЭДИ

Ўзбекистонда хизмат кўрсатган артист Жамшид Зокировни эслаганда кино мухлислари кўз олдига "Темир хотин" фильмидаги Олимтой, "Келинлар кўзголини"даги Ҳаким, "Сув ёқалаб"даги мироб, "Осмондаги болалар"даги ошпаз ота келади. "Донишманд Натан", "Такдир эшиги", "Ўзбекча ракс", "Энг танҳо юлдуз", "Бой ила хизматчи", "Оқшомдан тушгача", "Шайтон ва фаришта", "Кузнинг биринчи кун" ва шу каби кўплаб спектакллардаги бетакрор роллари билан театр ихлосмандлари қалбидан ҳам муносиб жой олган эди.

Жамшид Зокировни яқиндан билганлар энг аввало унинг илапарварлигини кўпроқ эслашади. Ўзбекистонда хизмат кўрсатган артист Гавҳар Зокирова билан икки фарзандни тарбиялаб вояга етказишди.

Бугун аjoyиб санъаткорнинг ҳаётлик чоғидаги яхши фазилатлари дўстлари, яқинлари ва шогирдлари томонидан ҳамон эътироф этилмоқда.

Обид ЮНУСОВ,
Ўзбекистон халқ артисти:
— Зокировлар хонадонини бизга гоят қадрдон бўлган.

Отам билан Карим Зокировнинг муносабати жуда яхши бўлиб, оилавий борди-келдилари бор эди. Мен Ботир билан бирга ўйнаб юрардим, Жамшид Ботирдан икки-уч ёш



кичик. У ниҳоятда зиёли, хушмуомала эди. Одамлар билан қандай гаплашишни, кўнглига йўл топишни биларди ва кўп нарсаларга босиқлик билан муносабатда бўларди.

Жамшид театрда ҳам, кинода ҳам бир-бирдан аjoyиб роллар яратиб, ўзига хайкал қўйиб кетди, десам муболага

бўлмайди.

Гулчеҳра Жамилова,
Ўзбекистон халқ артисти:

— Болалигимдан бери Жамшидни яхши танирдим. Ўқувчилар саройига бирга қатнаган эдик. Ниҳоятда кўли очик, меҳмондўст, меҳнаткаш инсон эди. У ҳеч қачон ишини чала-чулла қилмаган, энг кичик эпизодик ролини ҳам табиий ижро этиб берган. Хоҳ комедия бўлсин, хоҳ жиддий ролда бўлсин, ўз касбининг моҳир устаси сифатида ролларини маҳорат билан ижро этган. Оилада ҳам Гавҳар иккаласи бир-бирига суяниб, бир-бирини авайлаб яшашарди.

Карим Мирҳодиев, актёр:

— Жамшид ака билан "Севги марафони" фильмида бирга суратга тушганмиз. Уни яқиндан таниган одамлар ўта самимий, юморга бойлигини кўп эсласа керак. Ҳеч кимни зериктирмасди, у киши бор жойда дарҳол ҳазил-мўтойиба бошлади кетарди. "Севги марафони"да Гавҳар опа ҳам роль ўйнаганлар, уларнинг бир-бирини авайлашлари, қўллаб-қув-

ватлашлари ҳаммамнинг ҳаваси келарди.

Дилбар Икромов,
Ўзбекистон халқ артисти:

— Жамшид билан тенгқуримиз. Ўзининг хушмуомаласи, ҳазилкашлиги билан ҳаммамнинг кўнглини кўтарарди. Ёшлик чоғларимизда "Қароқчилар" ва "Ўйланиш" спектаклларида бирга роллар ижро этганмиз. У ҳақиқий комик актёр эди. "Ўйланиш"да жиддий роль ўйнаган, лекин баъзи жойларида шунақа кулгили ҳаракатлар қилардики, Гавҳар кулиб юборишдан ўзини зўрға тийиб, унга "Бунақа қилманг, илтимос" деб ялинарди. Ҳаммаси ўзига ярашарди. "Ўзбекча ракс"да мен "Тановар"га ракс тушаётганимда, кўп тутун чиқарилиши керак бўлган жойи бор. Бир кун яхши тутун келмади ва мен роса асабийлашдим. Шунда Жамшид раҳматли "Дилбарга тутундан кўпроқ беринглар, тутунди" деса, кулгудан ўзимни ҳеч тўхтата олмайман-да.

Толиб Мўминов, актёр:

— Жамшид ака тўғрисида, бағрикенг инсонликлари боис

ҳар доим бировнинг ҳатосини ортидан эмас, шартта юзига айтарди-қўярди. Кўп спектакль ва фильмларда бирга ўйнаганмиз. Устоз нафақат ўзбек тилида, балки театр ва кино санъати соҳасида рус тилида ҳам турли роллар яратиб кетди. Жамшид аканинг қандай юксак қалб соҳиби эканликларини Гавҳар опамиздан бошлаб болаларигача бўлган муносабатидан ҳам билас бўларди.

Шодия Тўхтаева, актриса:

— "Ёзги тун гаройиботлари", "Донишманд Натан" спектаклида партнёр бўлганмиз. Устозим юрагида ўти бор, ўз устиди ишлайдиган ёшларни яхши кўрардилар. Жамшид ака билан Гавҳар Зокировлар театримиз ёшлари учун афсонага айланиб улгурган. Бир-бирларини қўллаб-қувватлашлари, муомала-муносабатлари фақат уларнинг ўзларига ярашарди.

Санъатда бахтли жуфтликлар кўп. Лекин уларнинг орасида Жамшид Зокиров ва Гавҳар Зокировларнинг алоҳида ўрни бор ва буни уларни билганларнинг барчаси эҳтиром билан тилга олишади.

Меҳринисо ҚУРБОНОВА
тайёрлади.

САВОБ ЧИРОФИ

Бу дунё инсонларнинг хайрли ва саховатли ишлари билан зийнатли деганлари рост. Пойтахтимизнинг Учтепа туманида умрғуздорлик қилиб ўтган дўстим Абдулазиз Каримжон ўғли ҳам ўзининг мазмунли умри давомида одамларга фақат яхшилик қилишга уринди.



Эсимда, бир кун Абдулазиз мени Меҳрибонлик уйида бўлаётган тадбирга таклиф этди. Ўша кун болакайларнинг кўзларида ўзгача қувонч порларди. Бир маҳал ҳамроҳимни даврага чорлашди. Шунда у қўярда-қўймай мени ўртага чиқишга ундади ва ўзи хижолат тортганча чекада кузатиб турди. Кейин эшитсам, у ўша кунни тўрт нафар болакайга ўз ҳисобидан бош-оёқ кийим-кечак ҳадя қилиб, уларнинг суннат тўйларига ҳам бош-қош бўлаётган экан. Буни қарангки, дўстим шу қадар хокисор ва камтаринлиги боис бу ҳақда менга бир оғиз гапирмабди...

Бундай одамлар, афсуски, орамизда кам. Базан синфдош ва қадрдонлар йиғилиб, Абдулазизни эслаганимизда унинг яна қанча биз билган ва билмаган хайрли амаллардан воқиф бўлаверамиз.

У болалигида ҳам жуда меҳнаткаш эди. Падари бузуқворки Каримжон ота темирчилик касбини эъзолаган уста хунарамандлардан бўлиб, катта-ю кичикка бирдек меҳрибон, мурувватли эдилар. Абдулазиз мактабда ўқиб юрган кезларимизда ҳам дарсдан бўш вақт топи дегунча Чорсу бозори яқинида жойлашган устахонага бориб, отасига ёрдам беришга ошқариди. Кейинчалик у ҳайдовчилик касбига меҳр қўйиб, турли жойларда хизмат қилди. Қаерда ишлаганимиз, у ҳамиша ўзининг ибратли ишлари билан бошқаларга ўрнак бўлди. Умр йўлдоши Гулнора билан оқил ва қобил фарзандларни вояга етказишди. Очигини айтганда, бу оиланинг мустаҳкам устунларидан бири Абдулазизнинг онаси Жамилахон ая десам муболага бўлмайди. Афсуски, болаларнинг бугунги камолини дўстимиз кўра олмади.

Бугун яна давраларда қадрдон оғайнимизнинг ўрни сезилиб туради. Ва шунда кўнглига бир ёруғ ишонч таскин бўлади: Абдулазиз оилада ҳам, жамиятда ҳам ўз ўрни ва нуфузига эга бўлган инсон сифатида ном қозонгани учун бугун унинг саовб чироғи ёниб, атрофга нур таратиб турибди.

Саид Камолхон САМАДХОН ўғли,
Тошкент шаҳри.

Ота кўнглининг суянчиси бўларкан. Истаган пайтинг ундан мадад оларкансан. Отам Эшнӣёз Уролов бутун умрини халқ хизматида, одамларга яхшилик қилишга бағишлаган инсонлардан бири эди. Аввалига мактабда ўқитувчи, директор, кейинчалик Нурота туманида чоп этилган "Илғор чорвадор" газетасида муҳаррир, халқ таълими ходимлари касабга уюшмаси кўмитаси раиси, туманда масъул лавозимларда ишлади. Кейинчалик эса республика оқсқоллар кенгаши ва "Нуроний" жамғармаси Нурота туман бўлими раиси вазифасида фаолият юритди.

Отам табиятан камтар, меҳнаткаш инсон эдилар. Ховлимиздаги етти тул ўрик дарахтидан қариндош-уруғларга, қўни қўшнларга челақларга тўлдириб-тўлдириб зардоллар териб берардилар. Онам эса ҳар сафар нон ёғнада нуроний онахон ва отахонлари бор хонадонларга иссиқ нон улашарди. Уйимиздаги ҳамма хоналарга онам ўз қўллари билан йиллар давомида қўй жунидан йиғириб, бўяб, тўқиган алача, патли гиламлар тўшалган эди. Қўли гул онам турли мотаб бўлақларидан чиройли қуроқ кўрпачалар тикиб, қават-қават қилиб тўшаб қўярдилар. Қуроқ ёстиқлар, сўзаналар тикирдилар. Бу ишларда ота-онамизга ёрдам бериш бароба-



рида биз ҳам хунар ўрганардик.

Энди билсак, Онам Тошбӣби Уролова билан 64 йил бирга яшаб, икки ўғил, икки қизни илму маърифатли, соғлом бўлиб вояга етишимиз учун бир умр тиним билмай ҳаракат қилишган экан. Шунинг учун ҳам бизнинг баримиз олий маълумотли бўлдик.

Отам табиятан туғма ижодкор эди. Умр бўйи ёзган шеър, ғазал, рубоий, тўртликлардан ташкил топган "Нурбулоқ оҳанглари", "Тасанно", "Эзгулик", "Хаёт қўшиқлари", "Сабок", "Нодир мисрадан қариндош-уруғларга, қўни қўшнларга челақларга тўлдириб-тўлдириб зардоллар териб берардилар. Онам эса ҳар сафар нон ёғнада нуроний онахон ва отахонлари бор хонадонларга иссиқ нон улашарди. Уйимиздаги ҳамма хоналарга онам ўз қўллари билан йиллар давомида қўй жунидан йиғириб, бўяб, тўқиган алача, патли гиламлар тўшалган эди. Қўли гул онам турли мотаб бўлақларидан чиройли қуроқ кўрпачалар тикиб, қават-қават қилиб тўшаб қўярдилар. Қуроқ ёстиқлар, сўзаналар тикирдилар. Бу ишларда ота-онамизга ёрдам бериш бароба-

лар", "Тоғ лоласи" каби китобларини чоп эттирди. 2001 йилда яна бир эзгу ишга қўл урдилар. Мустақиллигининг ўн йиллигига бағишлаб ўзларининг "Қайтмас қарвон" дostonини ёздилар. 2006 йилда автохалокатга учраб бир йилу етти ой тўшаққа михланиб қолдилар. Нашр қилинган китобларнинг бештаси ана шу қутилмаган синондан кейин ёзилганига ишонгиси келмайдик кишининг. Албатта бундай оғир дардни енгиб ўтиш учун инсон ўта матонатли ва сабрли бўлиши керак. Мен отадаги мустаҳкам ирода-ни ўшанда ҳис қилганман.

ОТА ДЕСАМ, КЎНГЛИМ
ТОҒДЕК ЮКСАЛАР

"Ота-онаси ҳаёт бўлган одам энг бой саналади" деган ҳикматнинг маъносини отам бу дунёдан ўтганидан сўнг янада теранроқ ҳис этдим. Улар кексайиб, қартайиб қолган бўлсаларда, ҳар доим фарзандлар учун тиргақ бўлиб турар экан. 81 ёшларида чин дунёга риҳлат қилган бўлса ҳам ҳамон бизнинг вужудимиз ва юрагимизни уларнинг ўлмас руҳлари маёқ янглиғ ёритиб турибди.

Ота-она ноёб топилмас

дур бўларкан,

Бошимизга соябон, қалбаларга

нур бўларкан,

Уйдан узоқ бўлсак ҳам кўнглимиз

тўқ юраркан,

Бугун қўлга қалам

олгим келди отажон,

Чин юракдан хотирлаб

ёзгим келди отажон.

Шукрим онам ҳаёт,

тилар умри жонимиз,

Сиз берган ўғит бирла

бутундир иймонимиз,

Шул сабаб уйғоқ

қалбадаги виждонимиз,

Бугун қўлга қаламим

олгим келди отажон,

Чин юракдан хотирлаб

ёзгим келди отажон.

Гулнора ЎРАЛОВА,
Самарқанд вилояти.

ҚИРҚ ХУНАРНИНГ ЭГАСИ БЎЛГАН...

Анорбой Каримкулов нафақат кўхна Санг кишлоғининг, балки Попнинг, бутун Наманганнинг фахри эди, десак арзийди. Бу камтарин инсон ҳақида гап кетса, каттаю-кичик "қирқ хунарининг эгаси" дейишарди. Дурадгорлик, рассомлик, наққошлик, радио-телевизор устаси, созандалик, қўйингки, ҳамма касб-корни мукамал биларди. Асосий соҳаси эса муаллимлик бўлиб, ёшларга тарих фанидан сабоқ берар эди. Анорбой ака олмас ва ақин тарихимизнинг чинакам билимдонини бўлиб, ибратли тажрибалари вилоят, республика миқёсида оммалаштирилган божиз эмас. У тугизган "Сохибқирон Амир Темур қадамжолари" харитаси халқ таълими вазирилик томонидан махсус муқофотга сазовор бўлган эди. Яна бир қизиқ гап, ўз қўли билан ясаган роботи кўнчилиги ўртасида катта шов-шувлар уйғотгани ҳамон одамларнинг эсида. Анорбой муаллим ўзи яхши кўрган, яхши билган неки манба, янгилик бўлса ҳамқишлоқларига иланиб яшарди.

— Устоз кейинги йигирма йил ичида беш-олти минг

нафар ҳамқишлоқларимизни тарихий шаҳарларга саёҳатга олиб бориб келган эди, — дейди Гафур Фулом номидаги 35-умумтаълим мактабининг информатика фани ўқитувчиси Фуқрат Шерматов. — Саёҳат давомида у одамларга борган жойларида қимлар ётгани, уларнинг тарихий хизматлари, қолдирган бебаҳо бой маънавий мероси ҳақида сўзлаб берар эди.

Ажойиб инсон, устоз-муаллим Анорбой Каримкуловнинг халқ таълими соҳасидаги кўп йиллик фидойи меҳнати ҳукуматимиз томонидан муносиб тақдирланиб, у Президентимиз Фармонига биноан "Ўзбекистон Республикасида хизмат кўрсатган халқ таълими ходими" унвони ҳамда "Меҳнат шухрати" орденига сазовор бўлган эди.

Бугун Анорбой муаллимнинг илму маърифатга чанқоқ шогирдлари, оқил фарзандлари унинг изидан бориб, эл хизматида камарбаста бўлишмоқда.

Али ЗИЁД,

журналист.

Наманган вилояти.

ШУНДАЙ ЯШАНГ, ОДАМЛАР!

ёхуд фидойи олим, оқибатли дўст
Неъматжон Эшовни йўқлаб

Янги даврда янги қадриятлар шаклланди. Президентимиз ташаббуси билан 9 май — Хотира ва қадрлаш куни буткул ўзгача маъно ва моҳият касб этди. Ҳар қандай янгилик, у агар миллат руҳига яқин бўлса, урф-одат, анъаналаримизга мос келса, турмуш тарзига шунчалик тез сингиб кетади — миллий қадриятга айланади. Шунданми, ҳар йили 9 май яқинлашаверса, азиз ёру биродарларни эслаймиз, кўнгилларни соғинч қоплайди.

...Неъмат ака билан бундан беш йил бурун сўнгги марта Олой бозори ёнида кузнинг сўнгги кунларида кўришдик. Ўша куни ҳаво намчил, лекин очик ва мусаффо эди. Дарахтлар барглари тўккан, яккам-дуккам зардолуд япроқлар кеч кузакнинг совуқ шабадасида омонатгина тебраниб турарди. Неъмат аканинг қизиқ одати бор эди — негадир қахратон қиши, ёзининг жазирама чилласими, очик ҳавода суҳбатлашишни хуш кўрарди.

Шифокорлиги боисми, ҳар гал кўришиб қолсак, "Оппок осмон остида эркин нафас олганга нима етсин", деб кўярди. Ўша куни ҳам одатдагидек, анча дардлашдик.



Устоз шогирдлар.

Неъмат ака, муболага эмасу, лекин бу дунёга туғма шифокор бўлиб келгандек эди гўё. Унинг ҳар бир хатти-ҳаракати, ҳатто сиполиги, кўриниши ҳам дўхтирлигини намоян этиб турарди. У ҳақда қайси бир даврда гап очилса, "қўли енгил" деган иборага алоҳида ургу бериларди.

Очиғи, журналист бўлсамда, аммо негадир жарроҳларга ҳавасим келади. Ҳамма шифокорларга насиб этавермайдиган юсак чўққидай бўлиб кўринади бу касб. Тўғри, маънавий тиббиётчи бўлиш мумкин, лекин ҳаммаям жарроҳликни эпловмайди. Бу гапни бошқалардан ҳам кўп эшитганман. Балки шунинг учун ҳам Неъмат акани юрагимга яқин олгандирман.

Неъматжон Эшов оддий шифокор эмас эди, у олим ва зиёли шифокор эди. Узоқ йиллар пойтахтимиздаги республика гематология ва қон куйиш илмий-текшириш институтида ишлади. Гепатит вирусини, жигар циррози бўйича етук мутахассислардан бири



Оила даврасида.

эди. 2004 йилнинг баҳорида Соғлиқни сақлаш вазирлиги ҳузуридаги шифокорлар малакасини ошириш институтида номзодлик ишини ҳимоя қилганида кузатганман. Унинг ўзини эркин тутуши, мураккаб мавзуга оид фикрларини очик ва раван ифода қилиши, мулоҳазаларини илмий асослар билан изоҳлай олиши, шу соҳанинг билимдонлари — профессор ва номзодларнинг саволларига эмин-эркин жавоб қайтаргани кўпчиликка манзур бўлган эди. Ўшанда машҳур олим, тиббиёт фанлари доктори, профессор Саиджало Бахромов Неъмат Эшов ёқлаган номзодлик ишига юқори баҳо бергани, яқин орада бемалол худди шу мавзуда докторлиқни ҳам ҳимоя қилишни таъкидлагани бежиз эмас эди.

Саиджало Бахромов, тиббиёт фанлари доктори, профессор:

— Эсимда, бир куни кафедрада ўтирсам, ҳузуримга ёш, хушсурат бир йигит кириб келди. Салом-алиқдан кейин домла, илм қилмоқчи эким, деб қолди. Сиз ҳозир клиника бош шифокори ўринбосари экансиз, иш кўп, илм қилишга вақт топишингиз анча қийин кечади. Агар ниятингиз астойдил бўлса, бизнинг кафедрага ўтиб, ўз устингизда жиддий ишлашингизга тўғри келади, дедим. У меннинг таклифимга эртаси кунгича рози бўлганини билдирди. Сездимки, Неъматжон илм йўлида ҳамма нарсага тайёр эди. Шундан кейин у кафедрамизда ассистент бўлиб ишлай бошлади. Илмий иш олди. Унга ўзим раҳбарлик қилдим. Танланган мавзу анчагина мураккаб эди. Айримларни кўрганмиз, илмий даража олиш учунгина номига иш қилади ва оқибатда бундайларнинг бошлаган чала иши қорғозларда қолиб кетади. Йўқ, Неъматжон бундай осон йўлни танламади. Унинг номзодлик иши мутлақо янги, ҳали

тўлиқ ишланмаган мавзу эди. Илмий ишда сурункали гепатит, жигар циррози, камқонлик ва бу жараёнлардаги ўзгаришларнинг аутоиммун ҳолатлар билан боғлиқлиги очиб берилди. Нафақат очиб берилди, унга ташхис қўйиш ва даволашнинг замонавий усуллари илмий жиҳатдан асосланди. Шу орада Неъматжон илмга чанқоқлиги боис кўп вақт ўтмасдан докторлик ишига ҳам киришиб кетди. Ҳатто, икки-учта мақола чиқаришга ҳам улгурган эди.

Унинг яна бир ибратли фазилати оилапарварлигидир. Ўз изланишларини кечиктириб бўлса-да, умр йўлдоши Холисахоннинг илмий иши ташвиши билан юрганини кўп кўрганман.

Неъмат ака номзодлик ҳимоясидан кейин уч йил ўтиб, 2007 йилнинг кеч кузида тиббиёт фанлари доктори, профессор С.Бахромов, тиббиёт фанлари номзоди, доцент О.Маликов билан ҳаммуаллифликда "Сурункали вирусли гепатит ва жигар циррозида камқонлик" деб номланган китобни ҳам чоп эттирди. **Бу ҳақда тиббиёт фанлари номзоди, доцент Олимжон Маликов шундай дейди:**

— Устозимиз Саиджало



Бахромов бир куни Неъматжон иккала мизга хўш, сурункали гепатит ва жигар циррозида камқонлик масаласи сабабларини, ташхис қўйиш ва даволашнинг замонавий усуллари очиқ бердингизлар, бу яхши, лекин энди уни ҳаётга татбиқ қилиш, шифокорларни, талабаларни ундан баҳраманд этиш кераклиги ҳақида ҳам ўйлаш керак, бунинг учун Неъматжоннинг номзодлик ишини зудлик билан илмий-оммабоп қўлланма шаклига келтириш керак, токи у амалиётга татбиқ этилсин, шифокорлар, талабалар ва беморлар ундан баҳраманд бўлсин, дея йўл-йўриқ кўрсатдилар. Бу таклифдан руҳланган Неъматжон шу заҳотиёқ амалий ишга киришиб кетди. Бизлар бу китобни тўлдирдик, таҳрир қилдик. Агар янгиликларимиз, шу китоб Неъматжон Эшовнинг вафотидан санокли кунлар олдин нашр этилган эди...

2007 йилнинг 21 декабрида нохуш хабар келди: Сурухондарё вилоятининг Шеробод туманидан қайтаётганида автохалокат рўй бериб, ажойиб инсон, иқтидорли олим, тиббиёт фидойиси Неъмат Эшов айни камолот палласи — 46 ёшида дунёдан ўтди. Ўша кун бугунгидек эсимда: Қурбон ҳайити арафаси, 21 декабрь — энг узун тун кирган кун эди...

Дарвоқе, умрининг энг гўзал ва файзли йилларини тиббиёт соҳаси ривожига, эл-улус саломатлигини муҳофаза қилиш билан боғлиқ илмий фаолиятга бағишлаган инсон гарчи қисқагина умр кўрган бўлса-да, лекин ана шу муддат оралиғида у ўз умр дафтарини безашга арзигулик хайрли ишларга бош-қош бўлди, десам янглишмайман. Аввало, Неъматжон ака ҳаммамиз ҳавас қилсак арзигулик оилани барпо этиб кетди. Умр йўлдоши Холисахон Эшова биология фанлари номзоди, доцент. Бугунги кунда Ўзбекистон Миллий университетида талабаларга сабоқ беради. Тақдирни қарангки, фарзандларининг ҳаммаси оталари изидан боришиб, олий маълумот эгаси бўлди. Неъматжон ака умри давомида таратган зиё нурларидан бугун шифокорлар, талабалар, беморлар баҳраманд бўлишмоқда.

Бугун Неъматжон аканинг босиб ўтган ҳаёт йўлларини таҳлил қиларканман, кўнглимда ёруғ хотиралар билан бирга айрим ҳаётий иштибоҳлар, саволлар ҳам уйғонди: хўш, одам ўзи неча йил яшайди, қилган эзгу амаллари-чи, унинг ортидан нелар қолади? Аслида ҳар биримиз тирикликда ўзимизнинг умр аталмиш китобимизга савобли ишларимиз ёзиб қолинишини истасак, бугун биз номини ҳурмат ва эҳтиром билан хотираётган Неъматжон Эшовга ўхшаган зотларнинг ҳаёти кўзгу ўрнини босмоғига шубҳа йўқ. Зеро, шоир ёзганидек, "Шундай яшар, одатда одам"...

Исмаи ХУДОЁРОВ.

СОҒИНЧ



Зоҳиджон Нуриноёв хотирасига

Фироқдан мунг тушган
қўзим қийналар,
Меҳрим айтолмаган
сўзим қийналар,
Изингиз йўқотиб,
изим қийналар,

Дилдаги армонлар
энди бир жаҳон,
Биз Сизни соғиндик,
азиз акажон!

Сиз тоғдай эдингиз,
мағрур эдим мен,
Сиз офтоб эдингиз,
бир нур эдим мен,

Ғамларга пописанд,
масрур эдим мен,
Дилдаги армонлар
энди бир жаҳон,

Биз Сизни соғиндик,
азиз акажон!

Саховат бобида
чексиз эдингиз,
Сахрога сув қуйган
денгиз эдингиз,

Таъмасиз, миннатсиз,
тегсиз эдингиз,
Дилдаги армонлар
энди бир жаҳон

Биз Сизни соғиндик,
азиз акажон.

Одамзод қадрини
билар эдингиз,
Етимлар бошини
силар эдингиз,

Бахтлиқ қўшилиб
қулар эдингиз,
Дилдаги армонлар
энди бир жаҳон,

Биз Сизни соғиндик,
азиз акажон!

«Бек» бўлиб қалбларда
отингиз қолди,
Яхшиликка ёлдош
ёдингиз қолди,

Кўнглим китобида
хатингиз қолди.
Дилдаги армонлар
энди бир жаҳон,

Биз Сизни соғиндик,
акажон!

Отабек НУРМЕТОВ,
Маданият ва спорт ишлари
Бўстонлик тумани
бўлим бошлиғи.

“ЎЗБЕКИСТОН ПОЧТАСИ”

ОЧИҚ АКЦИЯДОРЛИК ЖАМИЯТИ ЖАМОАСИ

*9 май умумхалқ байрами
— Хотира ва қадрлаш
куни муносабати билан
барча юртдошларимизга
меҳр-оқибат ва хайрли
ишларида эзгуликлар
йўлдош бўлишини
тилайди!*



**Юрт ободлиги — кўнгил ободлигидир.
Инсон қадр-қиммати эса ҳамиша улугдир.**

ТОШКЕНТ ВИЛОЯТИ БЎКА ТУМАНИ ТИББИЁТ БИРЛАШМАСИ ЖАМОАСИ

*юртдошларимиз ҳамда тиббиёт соҳаси ходимла-
рига 9 май — Хотира ва қадрлаш куни муносабати
билан эзгулик ва хайрли амалларига
муваффақиятлар тилайди!*

Бизнинг юртимизда инсонни улуғлаш, унинг бахтли, фаровон яшашини таъминлаш давлат аҳамиятига молик масала ҳисобланади. Шу маънода мамлакатимизда 9 майнинг умумхалқ байрами — Хотира ва қадрлаш куни деб эълон қилиниши замирида халқимизнинг эзгуликка йўғрилган бой маънавий мероси, қадриятлари ётибди, десак муболаға бўлмайди.


Бўка тумани тиббиёт бирлашмасининг аҳил жамоаси ҳам бу кунни ёруғ юз билан кутиб олмоқда. Соҳа ривожига катта ҳисса қўшган, кўп йиллардан бери элу юрт саломатлиги йўлида хизмат қилиб

келган Ашур Каримов, Ўриной Орипова, Мавлуда Абдуллаева сингари фидойиларнинг босиб ўтган ҳаёт йўли, ибратли фаолияти ёшларга ҳар томонлама ўрнак бўлса арзийди.

Шу ўринда ўз умри ва билими, салоҳиятини тиббиётимиз тараққиётига, қолаверса, бу дунёда энг муқаддас бойликларидан бири бўлган саломатлик ҳимоясига бағишлаган Мустафо Тўхтабоев, Абдулла Ваҳобов,

Зиёд Раҳмонов, Ваққос Саидовларнинг муборак номларини ҳар бир жамоа аъзоси фахр билан хотирлайди. Уларнинг оила-аъзоларига байрам кунларида эҳтиром кўрсатилди.

Инсон қадр-қиммати янглиғ сиҳат-саломатликини асраш йўлидаги заҳматли меҳнатингиз самарасини кўриб юриш ҳар бирингизга насиб этсин!



ТОШКЕНТ ШАҲРИДАГИ 7-АВТОКОРХОНА

**ОЧИҚ АКЦИЯДОРЛИК
ЖАМИЯТИ ЖАМОАСИ**



мамлакатимиз аҳлига

9 май —

Хотира ва қадрлаш куни муносабати билан меҳр-оқибат ва бағрикенглик истайди!

**Мухтарам
юртдошлар!**

**ҲАМИША КАДДИМИЗ ВА
КАДРИМИЗ БАЛАНД БЎЛСИН!**

ҲАҚБЕРДИ МУАЛЛИМНИНГ ҲАЛОЛЛИК ДАРСЛАРИ

Қадр абадий

БАХТ МАНЗИЛИ ОИЛАДА

Ҳазрат Алишер Навоий инсон умрини ҳам йил фасллари каби тўрт фаслга бўлган. Шоир кексалик даврининг бошланиши ҳақида: Соқол оқи ўлимга пешройдир, Йигитлик сабзаси узра қировдир, дейди.

Бугун дунё кўрган кексаларга эргашган Ҳақберди муаллим ҳам ҳазрат бобомиз башорат қилган доғишмандлик сабоқларидан неварачевараларига ҳикоялар сўзлаётир. Чин маънода халқ таълими аълочили бўлган нурободлик Ҳақберди Хидировни эслашам, беихтиёр ўзимнинг беғубор болалик йилларим кўз олдимда гавдаланади.

...1959 йил. Жом кишлоғидаги мактабда янги ўқув йили бошланди. Ёз бўйи бир-бирини кўрмаган ўқувчилар кўнғирокдан кейин ҳам синф хонасини бошимизга кўтариб ётган-мишда хонамизга янги ўқитувчи кириб келди. Бўйи новчадан келган муаллимнинг бўлган синф журнали билан бирга циркул ва транспортёр бор эди. У саломлашгач, бир зум бизнинг тинчланишимизни кутиб, синф деразасидан ташқарига тикилиб турди. Бу ҳолатдан фойдаланган болалар яна шовқин кўтара бошлади. Шун-



да устоз синф доскасига кўлидаги бўр билан бир тортишда чиройли доира чизди. Бизлар жим қолдик. Чунки домланинг доираси ниҳоятда чиройли эди. Ҳамма хайрат билан кузатиб турарди. Кейин билсам, Ҳақберди домланинг бу сеҳрли чизмаси ҳамма-мизни ўзига махлиё қилган, китобий қилиб айтганда, бизларни ўз ичига қамраб олган экан. Шу-шу унинг дарсларида ҳамма-миз тинч ўтирадиган бўлдик. Лекин ҳар қанча уринсак-да, домланикидек чиройли доира чиза олмадик...

Бугунги кунда Ҳақберди бобо Хидиров табаррук саксон ёшдан ошиб, бир кучок неваралари, фар-

зандлари даврасида кексалик гаштини сурмоқда. У киши узлуксиз 45 йил мобайнида математика фанидан ёшларга сабоқ берди. 1995 йилда нафақага чиқди.

Ўқитувчиликнинг нони қаттиқ ва ҳалоллиги ҳақиқат. Лекин Ҳақберди ака ҳеч қачон айрим худбин ўқитувчиларга ўхшаб, собиқ ўқувчиларига «Мен сени ўқитганман», деб миннат қилмайди. Табиий равишда каттаю кичик у кишини устоз, дея давралар тўрига ўтказишади.

Устознинг тажрибалари ҳалигача шогирдларига қўл келади. У мавзуларни кетма-кет ўтиб кетавермасди, ўқувчининг олдинги дарс-ни ўзлаштириганига жиддий

эътибор берар, керак бўлса, такрор тушунтиришдан эринмасди. Эсимда, юқори синфга ўтиб, қишлоқдаги ўрта мактабга қатнай бошлаганимизда ҳам математикадан қийналиб қолсак, Ҳақберди муаллимга мурожаат қилардик. Бир сафар тунда синфдошлар мураккаб масалани еча олмагач, устозникига бордик. Одатдагидек, яхши кайфият билан бизларни кутиб олиб, масалани тушунтириб юборди. Эртасига Ҳақберди ака дарсга келмади. Кейин билсак, ўша куни домланинг онаси вафот этган экан. Шундай вазиятда ҳам ўқувчиларини ўйлаган устозга ҳар қанча таъзим қилсак арзийди.

Маърифат боғининг жонқуяр боғбони Ҳақберди отанинг уч ўғил, уч қизи ҳам ҳаётда ўз ўрнини топган. Ҳаммаси турли соҳаларда ҳалол хизмат қилиш-япти, юрта муносиб фарзандларни тарбиялаб ўстиришяпти. Тақдирнинг сийловини қарангки, ота-онадан ёлғиз ўғил фарзанд бўлиб қолган Ҳақберди боғининг авлодларини санаб саногига етолмайсиз, улар бугун улкан сулолага айланган.

Нормўмин ОЧИЛОВ,
журналист.

Мустаҳкам, бахти тўқис оила ҳақида гап кетса, энг аввало, маънавий етук, жисмонан соғлом фарзандларни тарбиялаб, камолга етказётган ибратли ота-оналар кўз ўнгимизда гавдаланади. Чунки ҳар қандай машхур давлат арбоби бўладими, дунёга доврўғи кетган спортчи ёки шоир-ёзувчи, олимми, ҳуллаб, ҳамма ҳаммаси Ватан ичра «митти ватан» бўлмиш оилада улғаяди, вояга етади.

Ургут туманидаги Бешбулоқ қишлоқ фуқаролар йиғинига қарашли Воғашти маҳалласида яшаётган Нажмиддин Саидовлар оиласи ҳам ана шундай, барча ҳавас қилса арзигулик хонадонлардан биридир. Камтарин, меҳр-оқибатли Нажмиддин акани бу гўшада танимаган, билмаган одам йўқ десак лоф бўлмас. Маҳалладошларининг деярли бари бу савобталаб инсоннинг намунали ишлари хусусида тўлқинланиб сўзлашади. Хайрия хашарлари, тўй-маърака ва бошқа турли хил тадбирларда фаоллик кўрсатади. Зарур пайтда кўмакка муҳтож ҳамқишлоқларига бегараз ёрдам қўлини қўзиб, эл дуосини олиб келмоқда.

Нажмиддин ака турмуш ўртоғи Матлубахон билан икки қиз, икки ўғилни тарбиялаб вояга етказди. Тўнғич қизи турмушга чиқиб, ҳаётда ўз ўрнини топди. Ўғилларининг иккалasi ҳам спортга чин дилдан меҳр қўйган. Кичик қизи эса тумандаги компьютер-технологиялари коллежиди таҳсил олмақда.

Ўз оиласида соғлом турмуш тарзини шакллантирган бу ахил оила сохиблари ўз фарзандлари тарбиясига алоҳида масъулия билан ёндошганлиги боис бошқалар ҳам улардан ўрнак олишга интилишмоқда.

Узоқ ОМОНОВ,
Ургут тумани.

ФИДОЙИЛАРДАН БИРИ

Хотира абадий

Ўзбекистон Республикаси Фанлар академияси ва халқаро академиклар уюшмаси академияси, Россия тиббиёт фанлари академияси мухбир аъзоси, фан арбоби, тиббиёт фанлари доктори, профессор Карим Йўлдошев ҳаёт бўлганида мустақил юртимизда Хотира ва қадрлаш куни кенг нишонланаётган айни шу кунларда табаррук саксон ёшга тўлар-ди.

— Атоқли олим, тиббиёт фанини ривожлантиришга ўзининг салмоқли хиссасини қўшган, терапиянинг кўп қирралари (гастроэнтерология, кардиология, пульмонология)ни очган Карим Йўлдошев номини халқимиз, қолаверса, Ҳамдўстлик давлатларининг кўзга кўринган олимлари ҳам чуқур ҳурмат-эҳтиром билан тилга олишади, — деб эслайди Ўзбекистон Республикасида хизмат кўрсатган соғлиқни сақлаш ходими, олий тоифали шифокор, олимнинг рафиқаси Сайёра Йўлдошева. — Тинимсиз ва фидойи меҳнатлари туфайли қишлоқ шифокоридан олим, академик, фан арбоби даражасигача етишишининг ўзи бўлмаган, албатта.

Карим аканинг оталари Йўлдош Эргашев асосан деҳқончилик, тегиримончилик билан шуғулланганлар. Овоzlари ўткир бўлгани учун «Йўлдош гудок» деган лақаблари бор экан. Камтарин, файзли, одамларга, дўстларга меҳр-шафқатли, қўли очик, ҳожатбарор инсон бўлганлар.

Карим Йўлдошев Тошкент давлат тиббиёт институтининг даволаш факультетига ўқишга кириб, 1957 йили муваффақиятли битиргач, тенгдош-

лари қатори Мирзачўлга, қишлоқ шифохонасига бош шифокор қилиб юборилади. У кишининг ажойиб бир хусусияти бор эди: бемор эшикдан



кириши билан унга қараб бирданга тўғри таххис қўяр, таҳлиллардан сўнг унинг таххиси ўз тасдиғини топарди. Бир гал ўша шифохонага профессор Эргаш Отахонов борарди. У ёш Каримдаги илмга чанқоқликни кўргач, Тошкентга қайтиб, аспирантурада ўқишни тавсия қилади. Тақдирни қарангки, устознинг дуоси ижобат бўлиб, у аввал ординатурада, кейин эса аспирантурада таҳсил олади.

Карим аканинг энг севган машгулотларидан бири китоб мутолааси

эди. Қаерга борса, ортиқча совға-саломлардан кўра ўнлаб китоблар ва адабиётларни олиб қайтарди. Шунинг учун ҳам раҳматли онаси Холниса буви «Катта ўғлим Каримжон китоб бозорини, кичик ўғлим Шукуржон овқат бозорини яхши қўришади», дер эканлар ҳазиллашиб.

Карим Йўлдошев сулоласи давомчилари бўлган фарзандлари — ўғил-қизлари, келинлари ва неваралари ҳам шифокорлик касбини танлашгани таҳсинга лойиқдир.

У киши билан боғлиқ ўлмас хотиралар ҳамон кўп эсланади. Хоҳ кундузи, хоҳ тунда бўлсин, кимда ким эшикдан нажот сўраб келса, дарров чопонни елкага ташлаб, тонометр, фонедоскоп ва рецепт ёзиш учун ручка ва қоғоз олиб бемор хузурига ошиқар эди. «Бир куни гилам сотиб олиш учун бозорга бордик. Карим аканинг кўзи ранги оқариб, букчайиб турган бир кишига тушди-ю, унга яқинлашиб хол-ахвол сўради. Ҳалиги одам қорнида жуда кучли оғриқ бўлаётганидан шикоят қилди. Дарҳол такси тўхтаиб, беморни шифохонага олиб бордик. Унинг ичаги буралиб қолган экан. Операция қилингандан кейингина уйимизга хотиржам қайтдик. Бемор операциядан сўнг яна 20 йил яшади», дея эслайди Сайёра опа. Бундай мисолларни Карим Йўлдошевнинг шифокорлик фаолиятдан кўплаб келтириш мумкин. У киши халққа қанчалик кўп хизмат қилса, ўзини шунчалик бахтиёр ҳис этадиган инсон эдилар.

Солиҳ ЁҚУБОВ,
Ўзбекистон Республикасида
хизмат кўрсатган
маданият ходими.

ЯХШИДАН БОҒ ҚОЛДИ

Аслида ҳаммамизнинг умримиз ўлчовли. Кимдир кўп, кимдир қисқароқ умр кўради. Лекин шу омонат дунёда қўлдан келгунича хайрли ишлар қилсангиз номингиз унутилмас экан. Мен бу ҳақиқатни ўз оиламиз ми-солида кўрдим.



Айтишларича, бир замонлар ота-онамиз водий тарафлардан Бўка туманининг ҳозирги «Бўстон» фермерлар уюшмаси ҳудудига қўчиб келишган экан. Отам Мамажон ака уста боғбон сифатида ажойиб боғлар яратиб кетгани боис бугун ҳам кўпчиликнинг раҳмати ва дуосини бизлар эшитиб, бошимиз осмонга етмоқда. Онамиз Лолаҳон ая эса бир умр отамга елкадош бўлиб яшади, бизларни ҳам иккаласи ҳамжихатликда бекаму кўст камолга етказишди.

Бугун улар жисман орамизда бўлмасалар-да, лекин руҳан ҳар лаҳза юрагимизда. Уларнинг иккинчи умри фарзандлари, неварачеваралари тимсолида давом этаётган-дек гўё. Яхшилар, бир умр савоб ишга дахлдор бўлган инсонлар барҳаёт, ҳеч қачон ўлмайди, деганлари балки шудир.

Шахлохон ТЎРАБОЕВА,
Бўка тумани.



САМОДАГИ "ҚЎРҚОҚ" ЛАР

Самолётда учиб кўрган одам, унинг ердан кўтарилишида ёки пастга қўнишида юрак қандай "шигиллаши"ни, албатта, хис этган бўлади. Бу ҳолатдан жуда ҳам кўрқиб кетганлар эса, ҳатто, бошқа қайтиб учмай ҳам қўйиши мумкин.

ЖАРНИНГ "ЖАНУБИЙ АФРИКА" ХАВО ЙЎЛЛАРИ ("South African Airways") авиаконпанияси йўловчиларнинг бундай ҳолатга тушмасликлари учун бир кунлик тажрибапарвоз курсларини ташкил этган. "Қўрқоқ" йўловчилар аэропортдаги махсус курилмаларда учигиша тайёрланилади. Бу курилмалар "Дисней-ленд" ёки аквапарклардаги тезкор аттракционларни ҳам эслатиб юборади. Маълум миқдордаги пулини тўлаб, курс машқларида "чиникқан" йўловчилар, қарабсизки, бир кунда "ботир" бўлиб қолишади ва бемалол самолётда учаверишади.

ЕРНИНГ "КЎЗ"И

Ришат тизмаси Африкадаги Сахрои Кабирнинг Ғарбий Мавритания ҳудудида жойлашган геологик шакланган гирдобсифат чуқурлик ҳисобланади. Бу айлана-ботикнинг диаметри 50 км.ни ташкил этади. Ришат тизмаси чексиз сахро бағрида алоҳида кўзга ташланганлиги боис узоқ йиллар мобайнида орбитадаги космонавтлар учун мўлжал вазифасини ўтаб келган. Космик эра бошланмагунга қадар бу фалати тизма ҳеч кимга маълум эмас эди. Айнан фазогирлар Ер бағридан уларга қараб турган бу улкан "кўз"ни илғаб қолишганди.

Ришат тизмаси Сайёрамининг энг қадимий халқаси бўлиб, унинг шакланганлиги тахминан ярим миллиард йилдан ошган. Илгари бу тизмани улкан метеорит зарбидан ҳосил бўлган деган фараз бор эди. Аммо бу тахминлар ўзини оқламаган. Негаки, тизманинг туби каттагина текисликдан иборат. Қолаверса, ботиқ қатламларида ҳеч бир кучли зарбанинг излари кузатилмайди.



Бошқа бир тадқиқотлар хулосаларига кўра эса, бу чуқурлик қачонлардир отилган улкан вулконнинг совиган ўрни бўлиши мумкин экан. Айрим олимлар эса, бу ҳодисани сахро ҳудудида қачонлардир содир бўлган асрий ёғингарчиликлар туфайли Ер қатламининг емирилиши деб ҳисоблайдилар.

Нима дейилишидан қатъи назар, Ришат тизмаси – Сайёрамининг чинакам табиий мўъжизасидир.

Наргиза СИДДИКОВА тайёрлади.

ФАРЗАНДЛАРИМ РОЗИ

— Тошкент вилоятида яшайман. Турмуш ўртоғим етти йил аввал қазо қилган. Шу десангиз, бу ерга келишимнинг тарихи жуда қизиқ бўлди. Кеча тонгда биров дарвозамизни қаттиқ тақиллатди. Очсам, остонада Карим ошнам турибди. Қўлида газета. Саломаликни ҳам қисқа қилиб, "Оила ва жамият"нинг 16 апрель сониди босилган "Ҳайвонлар қўли" мақоласиди наманганлик Нурмат отанинг тақдирини гапира кетса денг. Чунки у менга анчадан бери қачонгача шу ахволда яшайсан, биронтасини топайлик, деб юрарди. Лекин қаерга, кимга мурожаат қилишни билмай юрардим. "Шу бугунроқ ҳужжатларингни олиб, газетига боргин" деб тайинлади. Шунга келавердим, қизим.

— Фарзандларингизнинг бу гаплардан хабарлари борми, ишқилиб?

— Бўлмасам-чи, болам, уларнинг ўзлариям икки-уч йилдан бери айтиб юришувди. Беш қизини узатиб, ёлғиз ўғлимни уйлантирганман. 16 сотихли томорқамда чорва моллари, парранда боқаман. Уйимдан кишин-ёзин сутқатқ, тухум аримайди. Рўзгордан ортганини бозорга олиб чиқиб, сотиб келаман. Ҳозир уйда келинчим менга қарашиб турибди. Ўғлим шаҳарга қатнаб ишлашга қийналиб қолди. Ёшим 61 да. Фарзандларим, неварачевараларим ёнимда парвона. Лекин барибир аёл кишининг ўрни бошқа экан. 50-55 ёшлардаги фарзандларидан тинган ўзбек аёли бўлса, илтимос, хабар қиларсизлар.

**ЭРГАШ ота,
Тошкент вилояти.**

БОЙЛИК БАХТ КЕЛТИРМАЙДИ

— Ҳаётнинг пасту баландини кўриб, 32 ёшда оила қурганман. Олий маълумотли аёлга уйлансам, келажакда бир-биримизни тушуниб яшаймиз, деб ният қилардим. Аммо инсон ўқиши эмас, ўқиши керак экан. Собиқ турмуш ўртоғим ўзимдан 10 ёш кичик эди. Учрашувга чиққанымда ўзини тутиши, гап-сўзлари маъқул келди. Оила қўриб, бирга яшай бошлашга, унинг асл қиёфасини кўриб, ҳайрон қола бошладим. Гаплашиб юрганимиздаги яхши фазилатларининг бирортаси ҳам йўқ эди. Ўша вақтда мен нуфузли ташкилот раҳбари эдим. Кейин билсам, у менинг мансабим, бойлигимга учиб, турмушга чиққан экан. Бирга яшай бошлашга, бу

ҳақда ошкора айта бошладим, ҳатто кингир ишларга қўл уришимни хохлади. Мен эса ўз хизмат вазифамни суиистеъмо қила олмаслигимни тушунтирдим.

Ёшлгимдан ота-онам бизларни ҳалол меҳнат билан пул топишга ўргатишган эди. Охири, бўлмади, у билан қонуний ажрашдик. Ўғлимни ўзи билан олиб кетди. Тўғри, мен ҳам ўзимни мукаммал инсонман деб ўйламайман. Ўзимга яраша инжиқликларим бор. Лекин талабчанман. Ёшим 46 да. Тошкент шаҳрида яшовчи 30-35 ёшгача бўлган олий маълумотли, ҳаётга те-



лан қаровчи, бир нафар фарзанди бор аёл бўлса, овоз берсин.

**НУРМАТ,
Тошкент шаҳри.**

АЛДАБ ЯШАШ ОСОҢ(МИ?)!

— Исмим Бахтиёр, тадбиркорман, Қаршида яшайман. "Оила ва жамият"ни гоҳи-гоҳида ўқиб қоламан. Биз томонларга негадир кам келади. Лекин "Бахтли бўлинг" руқнидаги воқеаларни ўқиб, қизиқиб қолдим. Худого шукр, яхши оилам бор, нолимайман. Бироқ... Мени бошқа масала ўйлантирапти. Яъни кейинги пайтда турли сабаблар туфайли қишлоқлардан пойтахт ёки бошқа жойларга ишлагани кетаётганларнинг айримлари ҳеч қанча вақт ўтмай, оиласини ташлаб бошқага тегиб ёки уйланиб кетаётганига нима дейсизлар? Газетангизда шундай ноинсофлар ҳақида ҳам мақола-лар ёзсангизлар бўлади-ку!

ТАХРИРИЯТДАН:

«Бахтли бўлинг» руқнига хат йўллаётган ёки бевосита мурожаат қилаётган фуқаролар паспорт нусхаси ва яшаш жойидан (махалла кўмитасидан) маълумотнома тақдим этишлари шарт. Шунингдек, ажрашганлар бўлса, суд қарорининг нусхасини топширишлари талаб этилади.

МУРОЖААТ УЧУН ТЕЛЕФОН: 234-25-46

ЗАНЖАБИЛ

Занжабил (имбирь) ёввойи ҳолда учрамайди. Унинг қуритилган кулранг-сарик рангда, ўзига хос хушбўй ҳидли бўлиб, ўткир таъмили мазаси билан зирavor сифатида қўлланилади. Иштаҳани очибгина қолмай, дориворлиги билан ҳам ажралиб туради.

Ибн Сино занжабилни кайфиятнинг кўтарувчи, инсонга қувват берувчи, қусишни ҳамда ич кетишини тўхтатувчи доривор сифатида қўллаган. У оғрик қолдирувчи, сийдик ҳайдовчи, тетиклаштирувчи ҳамда бактерияларга қарши курашувчи хусусиятга эга. Мушаклар, мушкуллар оғриганда, пай ёки эт чўзилганда, тўқималар шикастланганда ҳам истеъмо қилиш тавсия этилади. Бундан ташқари нафас йўллари ҳам тозалайди.

Айниқса, унинг илдиизи жуда фойдали бўлиб, таркибида А, С, В¹, В², магний, фосфор, темир, кальций, натрий, цинк, калий ва қўпбал фойдали аминокислоталар мавжуд. У қон айланишини яхшилайдиган, озиш жараёнида самарали ёрдам беради. Қонни суялтириш билан бирга қон босимини туширади.

Ўткир шамоллаш пайтида балғам қўчиришда, битиб қолган ди-

Табиат — дорихона

моқни очишда яхши ёрдам беради. Шунингдек, занжабилдан тайёрланган чойни ичиб, унинг бугидан нафас олинса, (занжабилнинг эфир майдан фойдаланиш ҳам мумкин) бемор дарддан тез халос бўлади. Терлатувчи хусусияти туфайли занжабил шамоллаш ҳамда ОРВИни бартараф этади. Касаллик бошланганда қондан фойдаланилса, максимал мувофиқ бўлади.

Унда витаминлар, айниқса, В, аскорбин кислотаси ҳамда ретинол мавжудлиги туфайли иммунитетни кўтаришда энг яхши восита.

Қаҳва билан қўшиб тайёрланган дамламаси қони фойдадир. Бунинг учун 2 чой қошиқ майдаланган қаҳва, 2-3 донна ингичка бўлаклари яхшилаб янчилган занжабил, бир чимдим лимон пўчоғининг қуқуни керак бўлади. Идишга қаҳва ва занжабилни солиб, паст оловда қиздирилади. Сўнг устидан совуқ сув қуйилади. Оловни баландлатиб қайнатилади. Лимон қуқуни солиб аралаштирилади. Оловдан олиб, таъбга кўра қанд ёки шакар қўшиб, дастурхонга тортилади.

Латофат САЪДУЛЛАЕВА тайёрлади.

Бир қўшим уч йил аввал Тошкентга иш излаб кетганди. Ёши элликларга борган. Яқинда эшитсам, хотини билан ажрашибди. Нима эмиш, фирмаси бор бир аёлга уйланиб, шуниқда яшаётганмиш. Бу ёқда турмушга чиққан икки қизи, уйланимаган ўғли ва бир умр рўзгорим деб елиб-югуриб юрган аёли бечора маҳалладошлар олдида хижолат. Отаси, ака-укаларига айтишса, биз нима деймиз, эркакчилик, ўзи билади дебди...

Олий маълумотли бир аёл қариндошимиз бўларди. Тошкентда ўқиб, шу ёқда яшаб қолганди. Икки фарзанди бўлиб, эри ҳам тузуккина жойда ишларди. Шу орада ҳалиги хотин Туркияга кетиб қолди. Эри болалари билан яшаб юрди. Кейин эшитсам, янгамиз аллақачон бошқа эрга тегиб кетган экан...

Бундай нохуш воқеалар бизнинг кўзимизни очиши керак-ку! Сизлардан илтимос, ана шундай минг афсуски, миллийлик ва ўзбекчиликка доғ бўлиб тушаётган ҳаётини мавзулар ҳақида бонг урсангизлар!

ТАҚДИР ҚЎШИЛГАН БЎЛСА...

— Исмим Хуршид. Ёшим 38 да. Бундан икки ой илгари "Бахтли бўлинг" руқнига ҳужжатларимни топширган эдим.

— Сирдарёдан эдингиз шекилли?

— Ҳа, аввал турли сабаблар туфайли уйланиб, ажрашган эдим. Қизимни онаси ўзи билан бирга олиб кетган.

— Жиззахлик 30 ёшли Салима деган бир аёл бор. Турмуши бузилганига уч йил бўлган экан. Беш ёшли қизчаси бор. Шу аёлнинг телефон рақамини берамиз, гаплашиб кўринг.

— Раҳмат, жавобини албатта сизларга айтаман.

Орадан икки ойча вақт ўтгач, Хуршид билан Салима тахририятга хурсанд бўлиб кириб келишди.

— Салима билан тақдиримиз қўшилган экан. Тошкентда қариндошимиз яшайди, тўйга айтишувди, шу баҳонада сизларниям бир кўриб, раҳмат айтгани келдик, — деди Хуршид.

Яна бир оила пойдевори қўйилганидан суюндик.

Фойдали МАСЛАҲАТЛАР

Агар сочларингиз ўта ёғли бўлса, шампунь ўрнига ханталдан фойдаланинг. Аммо уни мунтазам ишлата кўрманг, акс ҳолда бош терингизнинг таъсирчанлиги ошади.

Семиришни истаганлар макоронни гўшт маҳсулотлари билан, озишни хоҳловчилар эса зайтун ёғи билан бирга истеъмо қилганлари маъқул.

Киприкларингиз бақувват ва тигиз бўлиб ўсиши учун учларига канакунжот (костор) мойидан тез-тез суртиб турунг.

Сигир ва қўй гўштида сочларни мустаҳкамловчи ҳамда тез ўсишни таъминловчи моддалар мавжуд.

Атирларни қоронғу ва совуқ жойда, масалан, музлаткида сақласангиз сифати бузилмайди.

Лимонёғ ҳар қандай салат ва овқатларга ўзгача таъм беради. Уни тайёрлаш учун зайтун ёғига лимон цедрасини майдалаб, 5 кун сақлаб қўйилса, қифоя.

Гулноза БОБОЕВА тайёрлади.

СИЗГА АТАЛГАН КУН

Мен сизларни ҳар куни кўраман. Бирингиз ҳассан-гизга таянганча маҳалла оқсоқолига неларнидир ўқираётган бўласиз: "Болам, бундай тўқчилик замонларни бизлар орзу қилганимиз, қадрига етинглар. Кечаги тўйда қанча нарсаси исроф бўлибди, нега қарамайсизлар, шуларни ёрдамга муҳтожларга бериб бўлмайди?" Бирингиз эса маслаҳатчи опага маслаҳат берибди: "Синглим, менам қиз боққанман, ўғил ўстирганман, бирови ноҳўя иш қилмаган. Кўчага ярим яланғоч чиқмаган, танишми-бегонами, кўлини кўксига қўйиб, саломини қанда қилмаган. Ҳозир эса..."

Сиз Ҳаёт аталмиш улуғ мактабнинг энг кесаси муаллимларига ўхшайсиз. Айниқса, орангизда "Иккинчи жаҳон уруши" деб ном олган қирғинбаротларни кўриб келганларингизни кўрсам, кўзларимга ёшлар келаварди. Чунки сизлар миллионлаб шахид кетган ёру биродарларингизнинг умрини ҳам яшаётганга ўхшайсиз. Давралар тўрига чорласак-да, сиз қимтинибгина, хокисорлик билан ўзингиз гувоҳ бўлган талотумлар ҳақида эмас, балки бугунги дорилмомон кунларга шукрона айтасиз, тинчлик ва осойишталик кўрғонига айланган Ватанимизга Яратгандан омонлик сўрайсиз.



Бобожон, моможон, Сизнинг юрагингизда яхшилик ил-дизлари яшаётир. Бирингиз 90, бирингиз 80, қўйингиз, қайси ёшда бўлсангиз-да, куну тун бедорсиз, уйғоқсиз. Ва бизларни ҳам ана шундай хушёрликка даъват этмоқдан асло толмайсиз. "Тинчликнинг қадрига етинг, ватангадоликдан асрасин, фарзандларимиз ҳам илоё бизларга ўхшасин!" — дуоларингизда ҳам ҳикмат яширин.

Эртага 9 май — Хотира ва қадрлаш куни! Мамлакатимизда бу кун Президентимиз ташаббуси билан умумхалқ байрами сифатида нишонланаётганига кўп бўлди. Эл-улус орасида энди ҳеч ким кайвонилик қилиб, ўтган аждодлар руҳини шод этайлик, фалон маҳалла ё қишлоқда ёрдамга муҳтож, кўнгли яримларга мурувват кўрсатайлик, деб овоза қилмайди. Ҳамма бундай савобли ишларга ўз қалб амри билан бош қўшгиси келади ва инсоний бурчини бажармоқ учун шошилади. Аслида бу қабил азаллий анъаналар халқимизнинг қон-қонига сингиб кетган нодир фазилатлардир.

Азизлар, сизга аталган фарахбахш, файзли кунлар муборак бўлсин!

Норқобил ЖАЛИЛ

КЕЛИШИНГ, АКСИНЧА...СУДЛАШАСИЗ!

Савол-жавоб

Кизимни яхши ниятлар билан бир хонадонга узатгандик. Кўёвим билан бир йилча ахил яшабди. Айниқса, унинг ҳомилдор эканини эшитганимизда дунёга сизмадик. Аммо... бола ногирон туғилди. Суриштирсам, кўёвим гиёҳванд экан. Ноилоҳ қолган, кизимни уйимизга олиб келдик. Лекин кайнонаси унинг мол-мулки, биз қилган мебеллару сепларни беришдан бош тортаяпти. Маслаҳат беринг, қандай йўл тутайлик, энди қудалар билан судлашайликми? М. Толипова.

— Ўзбекистон Республикаси Оила кодексининг 24-моддасида эр ва хотин уларнинг биргаликдаги умумий мулки бўлган мол-мулкка эгалик қилиш, ундан фойдаланиш ва уни тасарруф этишда тенг ҳуқуқларга эга эканлиги белгиланган бўлибди. Кодекснинг 25-моддасига биноан, эр ва хотиннинг никоҳга қадар ўзига тегишли бўлган мол-мулки, шунингдек, улардан ҳар бирининг никоҳ давомида ҳада, мерос тариқасида ёки бошқа бепул битимлар асосида олган мол-мулки улардан ҳар бирининг ўз мулки ҳисобланади. Агар эр томон аёли-

га тегишли мол-мулкни беришдан бош тортса, низо чиққан ҳолларда эр ва хотиннинг умумий мол-мулкни бўлиш, шунингдек, эр ва хотиннинг бу мол-мулкдаги улушини аниқлаш суд тартибиде амалга оширилади.

Яна бир жиҳати шуки, умумий мол-мулкни ўзаро келишув асосида бўлишиб олма ҳам бўлади. Эр ва хотиннинг хоҳиши билан уларнинг умумий мол-мулкни бўлиш тўғрисидаги ўзаро келишув нотариал тартибда тасдиқлангани мумкин.

Агар икки тараф келиша олмаसा низо суд тартибиде амалга оширилади ва суд эр ва хотиннинг ҳар бирига мулкнинг қайси қисми берилиши лозимлигини аниқлаб беради.

БОЛАЛАРГА ТЕГИШЛИМИ, БЎЛИНМАЙДИ

Аёлим билан ажрашганимизга бир йил бўлди. Ўғлим мен билан, кизим у билан қолди. Мен уларга яшаб турган уйни бериб кетдим. Аммо энди болалар кутубхонаси,

ўзим сотиб олган мусиқа асбобларини аёлим олишига рухсат бермаяпти. Бундан ташқари, вояга етмаган болаларимиз номига омонатлар ҳам қўйилган. Омонатнинг ўғлимга тегишли қисмини олишга ҳаққим борми?

Шавкат,
Кибрай тумани.

Ўзбекистон Республикаси Оила кодексининг 27-моддасига биноан, вояга етмаган болалар эҳтиёжини қондириш учун олинган буюмлар (кийим-бош, пойфазал, мактаб ва спорт жиҳозлари, мусиқа асбоблари, болалар кутубхонаси ва бошқалар) бўлинмайди ҳамда болалар эр ва хотиндан қайси бири билан яшаса, унга компенсациясиз берилади.

Иккинчи саволингизга жавоб: эр ва хотиннинг умумий мол-мулки ҳисобидан ўртадаги вояга етмаган болалар номига қўйилган омонатлар ўша болаларга тегишли ҳисобланади, эр-хотиннинг умумий мол-мулкни бўлиш пайтида эътиборга олинмайди.

Саволларга ҳуқуқшунос
Элшоода ЗОКИРОВА жавоб берди.



СПОРТЧИЛАРИМИЗ БИРИНЧИ ЎРИНДА

Пойтахтимизда шашка бўйича болалар, ўсмирлар, ёшлар, катталар ва хотин-қизлар ўртасида Осиё чемпионати аяқланди.

Осиё шашка конфедерацияси, Ўзбекистон Маданият ва спорт ишлари вазирлиги ҳамда шашка федерацияси ҳамкорлигида ташкил этилган мусобақада ўндан зиёд давлатдан 200 нафарга яқин спортчи дона сурди.

64 катакли шашка бўйича ўтказилган классик ва блиц мусобақаларида мамлакатимиз терма жамоаси 12 ол-



тин, 11 кумуш ва 12 бронза медални қўлга киритди.

Мусобақанинг 100 катакли шашка баҳсларида кўп қарра жаҳон чемпиони Самандар Калонов йигирма ёшга бўлган спортчилар ўртасида олтин медал соҳиби бўлди. Ёш шашкачиси Озодбек Ўрмоналиев ҳам шохсупанинг энг юқори поғонасига кўтарилди.

Истеъдодли шашкачиларимиздан Абдурахмон Содикжонов ва Хусниддин Жиянбоев бронза медал билан тақдирланган бўлса, Саидқосим Алиев блиц турнирда кумуш медални қўлга киритди.

Йигирма ёшга бўлган қизлар баҳсида жаҳон чемпионати совриндори Шахзода Турсунмуродова тенг келадигани топилмади. Иқтидорли спортчимиз саккиз партиядан 13 очко жамғариб, Осиё чемпиони бўлди. Хумора Холиқбердиева блиц мусобақада учинчи ўринни эгаллади.

Осиё чемпионатида жами 15 олтин, 12 кумуш ва 15 бронза медални қўлга киритган Ўзбекистон терма жамоаси умумжамоа ҳисобида биринчи ўринни эгаллади.

«ДИНАМО» БОШ МУРАББИЙИ ЎЗГАРДИ

«Динамо» клуби матбуот хизмати-нинг хабар қилишича, жамоа бош мураббийи Камо Газаров истеъфода чиқарилган. Клуб томонидан қайд этилган натижалар кўрсаткичи бўлган сабабли жамоа раҳбарияти мураббий билан ҳамкорлигини тўхтатишга қарор қилган.

Унинг ўрнига самарқандликлар бошқарувиغا Равшан Хайдаров тайинланди. Ёлтириб ўтамиз, Равшан Хайдаров «Қизилқум» бош мураббийи сифатида мавсумни бошлаган, аммо кетма-кет мағлубиятлар сабабли жамоадан кетишга қарор қилганди.

Интернет манбалари асосида
Севинч ХУРСАНАЛИЕВА
тайёрлади.

РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА

«ЎКТАМХОН-НУР» ўқув маркази

қунидаги ўқув курсларида тақлиф этилади:

Тикувчилик — 3 ой, бошловчилар — 6 ой.
Тўй ва оқшом либослари — 1-2 ой.
Аёллар костюм-шима, плаш-пальто — 1-2 ой.
Ҳамшира — 6 ой, 4 ойи ўқиш, 2 ойи амалиёт.
Ҳамшира (тезкор) — 3-4 ой (амалиёти билан).
Тиббий массаж — 2 ой. Нухтали — 1 ой.
Торт ва пишириқлар — 2 ой.
Олий торт безатиш курси — 1 ой.
Уйғур, Европа таом ва салатлари — 2 ой.
Жаҳон таомлари — 1 ой.
Аёллар сартарошлиги — 3 ой.
Тўй ва оқшом турмақлари ва макияж — 1 ой.
Бухгалтерия ҳисоби — 3 ой.
Элита парда ва чойшаблар тикиш — 1 ой.

Элита парда ва чойшаблар тикиш олий курси — 1 ой.
Сартарошлик — 2-3 ой (ўғил болалар учун).
Тирнок, кеприк устириш ва дипелация — 1 ой.
Каштачилик — 3 ой (машинада ёпишма).
Тўқувчилик — 2-3 ой.
Инглиз тили — 3 ой, рус тили — 3 ой, турк тили — 3 ой, корейс тили — 3 ой.
Бисер, яъни мунчоқ тикиш — 2 ой.
Декоратив гул, сарпо қути ва саватлар ясаш — 2 ой.
Бисердан гуллар, даратхлар ясаш — 2 ой.
Карвинг (мева ва сабзавотлардан композиция ясаш) — 3 ой.
Компьютер сабоқлари — 2 ой, Интернет — 1 ой.

Барчаси амалиёти билан. Ётоқхона мавжуд.

Ўқишни тугатганларга ДИПЛОМ берилади.

МАНЗИЛ: Юнусобод тумани 3-мавзё 1-уй 31-хона.

МУЎЛЖАЛ: Юнусобод дехкон бозори бош тарафи орқасида.

Тел: (8 371) 221-17-95, 221-77-72, +99894 678-50-30 225-97-93 (18⁰⁰ дан 22⁰⁰ гача).


ФИЛИАЛ МАНЗИЛИ: Ҳамза тумани Фарғона йули кўчаси 4-уй 40-хона. МУЎЛЖАЛ: Қунилик киний бозори рўпарасида. ТЕЛ: (8371) 293-97-82, +99894 678-50-30 (кундузи).

Муассислар: Ўзбекистон Хотин-қизлар кўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро хайрия жамғармаси

Тахририятга келган кўпёзмалар муаллифларга қайтарилмайди. Реклама материаллари мазмунини учун тахририят жавобгар эмас.

«Шарқ» нашриёт-матбаа акциядорлик компанияси босмахонасида чоп этилди. Тошкент, Буюк Турон кўчаси, 41-уй. Босишга топшириш вақти — 15:00. Босишга топширилди — 15:00.

E-mail: oilavajamiyat@sarkor.uz



Бош муҳаррир:
Норқобил ЖАЛИЛОВ

Навбатчи муҳаррир — Ҳамроҳон МУСУРМОНОВА
Саҳифаловчи — Илҳом ЖУМАНОВ
Мусахҳилар — Саидғани САЙДАЛИМОВ,
Гулноза БОБОЕВА

МАНЗИЛИМИЗ: Тошкент — 100000. Амир Темур кўчаси
1-тор кўча, 2-уй. Мўлжал: Олой бозори ёнида

Ўзбекистон Матбуот ва ахборот агентлигида
0169-рақам билан 11.01.07 да рўйхатга олин-
ган. Буюртма Г — 528. Формати А-3, ҳажми 2
табоқ. Адади — 9832. Баҳо: қилишилган нархда.

ОБУНА ИНДЕКСИ — 176

Қабулхона: (тел-факс) 233-28-20
Котибият: 234-76-08
Мухбирлар: 233-04-50
«Оила» бўлими: 234-25-46

Web-site: oilavajamiyat.uz

12 45